



Inatsisartuni ilaasortaq Jens Napâtôq, Parti Naleraq
Inatsisartut
-/maani

Apeqquteqaammut § 37 naapertorlugu nr. 170 - 2020 Mittarfiliortitsineq pillugu akissut

Allakkat ulluat: 30-11-2020
Suliaq normu 2020-3881
Akt id.
P. O. Box 1601
3900 Nuuk
Tel. (+299) 34 50 00
E-mail: isiin@nanoq.gl
www.naalakkersuisut.gl

Asasara Jens Napâtôq,

Inatsisartut suleriaasianni § 37 naapertorlugu apeqquteqaateqarputit Nuummi Ilulissanilu timmisartunut mittarfiliortitserneq pillugu. Apeqqutitit uannut innersuunneqarput akissuteqarfigeqqullugit, akissutikkalu aaku tulliuttuni.

Aallarniutigalugu ilisimatitsissutigineqassaaq Naalakkersuisut apeqqutini pineqartunut toqqaannartumik akuunngimmata. Taamaattumillu Naalakkersuisut kommunit suliami akuusut aammalu Kalallit Nunaanni Sullivinnut Nakkutilliisoqarfik illit apeqqutigisannut toqqaannartumik akuusut apeqquteqarfisimavaat.

1: Munck Gruppen Nuummi Ilulissanilu Mittarfissualiortiternermi sanaartortuusoq sulisoqarnikkut qanoq ingerlatsinera pillugu Naalakkersuisuniit malinnaaffigineqarpa?

Akissut: Naalakkersuisut ingerlaavartumik suliffeqarnermi illuatungeriinnik kommuninillu oqaloqateqartarput, tamatumani aamma suliniutinut sanaartugassani annertuunut, sulisussanik amigaateqartarnermut, aammalu sulisunik najugaqavissunik sulisitsinermut tunngatillugu. Taamaasillutik Naalakkersuisut Ilulissani aamma Nuummi timmisartunut mittarfiliornerni malinnaapput.

Kommuneqarfik Sermersooq ilisimasanik peqaratik Nuummi timmisartut mittarfiliornermut atatillugu sulisoqarnermi qanoq inissisimasoqarnera paasissutissanik peqaratik ilisimatitsissutigivaa. Avannaata Kommunua ilisimatitsivoq Munck Gruppen Ilulissani atorfilinnik 13-inik, nal. akunnermusialinnik 16-inik aammalu nunanit allaniit sulisunik taartaasunik 11-nik suliniummut atasunik sulisitsillutik.

- Sulisuni nal. akunnermusialinni sulisuusuni piffissami matumani kalaallit sulisut arfineq pingasut sulisuupput, taakkunanngalu arfinillit Ilulissani najugaqartuusut.

- Naatsorsuutigineqarporlu 2021-ip upernariartornerani sulisuusut tamarmiusut Ilulissani Munck Gruppen-imi katillutik 100-ut missaanniilissasut, annerusutigullu taakkua najugaqarfissami - camp-imi nutaami najugaqassasut.

1a: Mittarfissualiornerni qassit sulisorineqarpat?

Akissut: Munck Gruppen ilisimatitsivoq nal. akunnermusiallit sulisuusut 100-ut missaanniittut Nuummi, pingajorarterutillu ataatsit najugaqavissuusut, pingajorarterutit allat sulisut danskiusut, pingajorarterutillu kingulliit Skandinaviarmiullutillu nunanit allanneersuusut.

Avannaata Kommunia ilisimatitsivoq Munck Gruppen Ilulissani atorfilinnik 13-inik, nal. akunnermusialinnik 16-inik aamma nunanit allaniit paarlattaasunik – vikarinik – 11-inik sulinermi peqataasoqartoq.

- sulisut akunnermusiallit akornanni piffissami matumani sulisut kalaallit arfineq pingasuusut, taakkunanilu arfinillit Ilulissani najugaqartuullutik.

- naatsorsuutigineqartorlu 2021-ip upernariartornerani sulisuusut tamarmiusut Ilulissani katillutik 100-ut missaanniilissasut, annerusutigullu taakkua najugaqarfissami - camp-imi nutaami najugaqassasut.

1b: Sulisut qassit nunatsinni najugaqavissuuppat?

Akissut: Munck Gruppen ilisimatitsivoq sulisuni nal. akunnermusialinni piffissami matumani 33-it missaat Nuummiit sulisuusut, aammalu Ilulissani sulisut 8-sut kalaaliusut, taakkunanngalu 6-it Ilulissani najugaqartut.

1c: Sulisut sumi inunngorsimaneq malillugu aningaasarsialersorneqarpat?

Akissut: Munck Gruppen ilisimatitsivoq sulisut akissarsiaqartinneqartut suliat suuneri misilittakkallu tunngavigalugit, assersuutigalugu qillerinermik atortorissaarutininik ingerlatsisut, maskiinanik aqutsisut imaluunniit qamussuarnik usilersortakkanik ingerlatsisut, - apeqquaatinnagu qanoq inuiaassuseqarneq imaluunniit sumi inunngorsimaneq.

1d: Nunatsinni najugaqavissut aningaasarsiaat avataaneersunut naleqqiullugit appasinneruppat?

Akissut: takuuk 1c-mut akissut.

1e: Sooq sulisut kalaalit Kalaallisut immunnut oqaluuteqqusaanngillat?

Akissut: Munck Gruppen ilisimatitsivoq suliffeqarfimmi oqaatsit arlaqartut atorlugit oqaloqatigiittoqartartoq, - taamaattoq sillimaniarnermik peqquteqartumik pingaaruteqarpoq tuluttut imaluunniit danskisut attaveqatigiittarneq, suliffeqarfimmi attaveqatigiinnermut radio atorneqartillugu. Pisuni allani tamani killilersuisoqanngilaq nammineq pingaarnertut oqaatsinik atuinnisaq, assersuutigalugu kalaallisut.

1f: Kalaallit kalaallisut imminnut oqaluunnerat pissutigalugu soraarsitsisoqarnikuuva?

Akissut: Munck Gruppen ilisimatitsivoq soorunami taamatut tunuliaquteqartumik soraarsitsisoqarnikuunngitsoq.

1g: Sulinermik nakkutilliisut pisussaaffimminik isumaginnilluarpat?

Akissut: Kalaallit Nunaanni Sullivinnik Nakkutilliisoqarfik ilisimatitsivoq suliffeqarfimmut nakkutilliinermut atatillugu pulaartarnerni maluginiarneqartartoq Munck Civil Engineering A/S-imi sillimaniarnermut aaqqissuussaanermik pilersitsisoqarsimasoq, sillimaniarnermut ataatsimiititaliaqartumik aammalu sillimaniarnermut gruppiniq peqarfiusumik, sulisunut aqutsisunik toqqakkanik aammalu qinikkanik sillimaniarnermut sinniisunik aaqqissuussinertaqartumik, nalunaarummi nr. 1346, ulloq 15. December 2005-imeersumi Kalaallit Nunaanni sillimaniarnermut peqqinnissamullu atatillugu suliffeqarfinni ingerlatsisoqarnissaa pillugu aalajangersakkat naapertorlugit.

Munck Civil Engineering A/S-imut pulaartarnerni tunngavissaqartarsimangilaq suliffeqarfik sullivinni avatangiisinut tunngatillugu sinniisoqartussaannermut nalunaarummi aalajangersakkat naapertorlugit, imaluunniit suliffeqarfiup sillimaniarnermut peqqinnissamullu atatillugu sulinera uparuassallugu.

Ilanngullugulu aamma eqqaaneqarsinnaavoq Sullivinnik Nakkutilliisoqarfiup suliffiusumut pulaartarnermini maluginiaraa sanaartortitsisup nalunaarummi nr. 1344, ulloq 15. december 2005-imeersumi pisussaaffini eqqortsikkai. Kalaallit Nunaanni Sullivinnik Nakkutilliisoqarfiup taamaasilluni maluginiarpaa sanaartortitsisup Kalaallit Airports International A/S-ip sullivimmi sillimaniarnermut peqqinnissamullu ataqatigiissaarisussa toqqarsimammagu sillimaniarnermullu tunngasunik ataatsimiittoqartarmat, sillimaniarnerlu pillugu misissuilluni angalaartoqartarluni il.il.

2: Sanaartornerup ingerlanerani nakkutilliineq sukumiisumik ingerlanneqarpa?

Akissut: Kalaallit Nunaanni Sullivinnik Nakkutilliisoqarfiup ilisimatitsissutigaa apeqqummut 1 g-mut akissutimitulli eqqaaneqartutut sanaartortitsisusup Kalaallit Airports International A/S-ip sillimaniarnermut atatillugu ataqatigiissaarisussa toqqarsimammagu, suliffeqarfimmilu sillimaniarnermut atatillugu misissuilluni angalaartoqartarmat, sanaartortitsisup nalunaarut naapertorlugu pisussaaffii tunngavigalugit.

Tamatumalu saniatigut Kalaallit Nunaanni sullivinnik isumannaallisaaneq pillugu inatsimmi § 12-imi ersippoq sulisitsisut ataasiakkaat namminneq sulisuminnut atatillugu pisussaasut isumagissallugu naammassisaqarfiusumik nakkutilliisoqarnissaanut, suliallu ingerlanneqartartussaasut sillimaniarnikkut peqqissutsimullu atatillugu tamakkiisumik illersorneqarsinnaasumik. Munck Civil Engineering A/S-imut marloriarluni ulluni 20. juli 2020 aamma 6. oktober 2020 pulaartarnerni sullivimmi ajutoornerit marluk misissuivigineqarnerini Kalaallit Nunaanni Sullivinnik Nakkutilliisoqarfik pissutsinik naammattuugaqartanngilaq immikkut uparuartariaqartunik pisussaaffinnik unioqqutitsinernik tunngaveqartunik, naammassisaqarfiusumik sulisut suliarnikkut ingerlatsinerannik nakkutilliinissat eqqarsaatigalugit.

2a: Qaartiterinermi ajutoortoqarnikuuva?

Akissut: Kalaallit Nunaanni Sullivinnik Nakkutilliisoqarfiup ilisimatitsissutigaa apeqqummut tamatumunnga tunngatillugu Kalaallit Nunaanni Sullivinnik nakkutilliisoqarfiup ilisimatitsissutigisinnaagaa sullivimmi ajutoortoqarnikuunngimmat inunnik ajoquusiinernik kinguneqartunik, Nuummi timmisartunut mittarfissami qaartitsisarnernut tunngatillugu.

Kalaallit Nunaanni Sullivinnik Nakkutilliisoqarfiulli taamaattoq ilisimavaa qaartitsinermi ataatsimi qaartsitap ilaaniit qanittumiittumut sanaartukkamut imaluunniit sanaartukkap qalianut tuttoqarnikuusoq.

Kalaallit Nunaanni Sullivinnik Isumannaallisaanermut Nakkutilliisoqarfiup oqaatigissavaa Munck Civil Engineering A/S-imi ulloq 2. december 2019 aamma ulloq 24. januar 2020 sullivimmi ajutoornerit pisarsimasut qillerinermi imaluunniit qillerinermut atortunik suliaqarnermut atatillugu.

2b: Isumannaallisaarnikkut piunasaqaatit malinneqarpat?

Akissut: Kalaallit Nunaanni Sullivinnik Nakkutilliisoqarfiup ilisimatitsissutigaa Munck Civil Engineering A/S-imut pulaartarnerni Nuummi timmisartunut mittarfimmi sanaartorfiusumi ataatsimut isigisumik sullivinni avatangiisinik isumannaallisaaneq aammalu sillimaniarneq sulisunut tunngatillugu naammaginartumik aqunneqartoq. Taamaattoq marloriarluni sanaartorfiusumut pulaartarnerni ulluni 20. juli 2020 aamma 6. oktober 2020 Kalaallit Nunaanni Sullivinnik Nakkutilliisoqarfiup ataasiakkaatsigut pissutissaqartitsisoqarsimavoq peqqussuteqarnissaq imaluunniit ingerlaannartumik iliuuseqarnissamik peqqussuteqartoqarnissaa Munck Civil Engineering A/S-imut malittarisassanik unioqqutitsinerni sullivinnut isumannaallisaanermut inatsimmiittunik. Pineqartut tassaasimapput qaffasissumi/portusuumi suliffiusumiit nakkarsinnaanerup isumannaallisarneqarnissaanut malittarisassanik unioqqutitsineq, isumannaatsunik aqqutissaqarnissat qimaanissamilu aqqutissaqarnissat, torersumik saligaatsumillu aqqissuussinissat, silaannarmik mingutitsiviusuni milluaasunik silaannarissaateqarnissat, puujaasarsuit naqitsinermik atortoqarluni immikkat qilerneqarsimasussaeneri, kiisalu sulisut suliassaminnik isumaginninnissaannut ilitersuutit imaluunniit sungiusaaneq.

Tamatumalu saniatigut Kalaallit Nunaanni Sullivinnik Isumannaallisaanermut Nakkutilliisoqarfiup sullivimmi ajutoornerit marluk, ulloq 2. december 2019 aamma ulloq 24. januar 2020 misissornerinut atatillugu aalajangiivigisimavaat sullivinni avatangiisit isumannaatsuunissaat pillugu inatsit unioqqutinneqarsimasoq. Sullivimmi ajutoornerit pineqartut marluk pereernerit tamaasa Munck Civil Engineering A/S ingerlaannartumik atortuulersunik peqqussutsinik tunineqartarsimavoq, qularnaarumallugit suliassat sullivimmi ajutoornermik kinguneqartartut pilersaarusionerqartarnissaat aqqissuunneqartarnissaallu, sillimaniarnermut peqqinnissamullu malittarisassat naapertorlugit tamakkiisumik isumannaatsumik ingerlanneqartarnissaat.

3: Suliffeqarnermi inatsisitigut Kalaallit Nunatsinni tunngaviusut malinneqarnissaat Naalakkersuisut sulissutigaa?

Akissut: Naalakkersuisut Kalaallit Nunaanni Sullivinnik Nakkutilliisoqarfik atassuteqarfisimavaa, taakkulu ilisimatitsissutigaa Nuummi timmisartunut mittarfimmi sanaartorfiusumi pissutissaqartitsisoqanngitsaq sullivinni

isumannaallisaanissamut tunngaviusumik malittarisassat
eqqortsinneqartanninnerannik aammalu
suliffeqarfimmi nalingiinnaasumi nakkutilliinernut atatillugu pulaartarnerni
Kalaallit Nunaanni Sullivinnik Nakkutilliisoqarfiup misissortarpaa siullertut suliat
ingerlanneqarneranut atatillugu sullivimmi avatangiisinut atatillugu
ajornartorsiuteqarnerasoq, imaluunniit sullivinnik isumannaallisaanermut
inatsimmik unioqqutitsisoqarsimanersoq, toqqaannartuik imaluunniit
toqqaannangitsumik sulisuusut sillimaniarnerannut peqqissusaannulluunniit
isumaqartunik. Kalaallit Nunaanni Sullivinnik Nakkutilliisoqarfiup taamaattoq
amma misissortarpaat suliffeqarfiit sillimaniarnikkut amma peqqinnissamut
tunngasutigut suliaat, - tamatumaniilu amma suliffeqarfiit sullivinnik
isumannaallisaanermut inatsimmi piumasaqaatit naammassisarneraat,
pilersitsisarnermikkut sillimaniarnermut amma peqqinnissamut tunngatillugu
aaqqiissutissanik.

Tunuliaqutaralugit paasisaasartut amma ilisimatitsissutaasartut nakkutilliilluni
Nuummi timmisartut mittarfeqarfiannut sanaartorfiusumut pulaartarnertigut
pisartut, ataatsimut isigaluni Sullivinnik Nakkutilliisoqarfiup isumagaa
sanaartortitsisuusoq (Kalaallit Airports International A/S) aammalu
sanaartortuusoq pingaarneq - hovedentreprenøren (Munck Civil Engineering A/S)
- suliainnik ingerlatsisut anguniagaqartullu sullivinni isumannaallisaanermut
malittarisassat eqqortinneqarnissaannik tunngaveqartunik. Eqqaaneqartut
apeqqutip 2b-ip akissuteqarfiginerani Sullivinnik Nakkutilliisoqarfiup
pulaartarnermi 20. Juli 2020 amma ulloq 6. oktober 2020, aammalu
sullivimmi ajutoornermik 2. december 2019 aammalu 24. januar 2020 pisunik
misissuisarnermini paasisimavai malittarisassanik unioqqutitsisarnerit
ataasiakkaat, peqqussuteqarnertigut imaluunniit ingerlaannartumik
peqqusinertigut qisuariarfigineqarsimasunik Munck Civil Engineering A/S-imut
akisussaasutut sulisitsisutut.


4: Sulisoqarnikkut atugaasut imaannaanngitsut aaqqiiviginarlugit Naalakkersuisut qanoq iliuseqarniarpat?

Akissut: Naalakkersuisut Kalaallit Nunaanni Sullivinnik Nakkutilliisoqarfik
atassuteqarfigisimavaa taakkulu ilisimatitsissutigaa Kalaallit Nunaanni
Sullivinnik Nakkutilliisoqarfiup nassuiaateqarfigissagaat pisussaaffiit sullivinni
isumannaallisaanermut inatsisit atuuttut naapertorlugit Kalaallit Airports
International A/S-imut pisussaaffiliunneqarsinnaasut amma sanaartortuusumut
Munck Civil Engineering A/S-imut, suliffeqarfimmi namminermit sulisuut
sulisitsisutut pisussaaffiusut.

Sanaartortitsisoq amma sulisitsisut ataasiakkaat Nuummi timmisartut
mittarfiannik sanaartornermik ingerlatsisuusut pisussaaffigaat Kalaallit Nunaanni
Sullivinnik Nakkutilliisoqarfiup suliffeqarfinnut peqqussutaasa
naammassisarnerissaat, sullivinnik isumannaallisaanermut inatsimmik
unioqqutitsinernut atatillugu.

Inussiarnersumik inuulluaqqusillunga

Med venlig hilsen

A handwritten signature in blue ink, appearing to be 'Jess Svane', written over the printed name.

Jess Svane